

卷三十八

第三十八章 采附温方注释全篇

升降散

凡温病证见寒热往来，此方主之。

凡温病头肿眩晕，胸膈胀闷，腹痛呕哕吐食者，此方主之。

凡温病内烧作渴，上呕下泻，身不发热，此方主之。

凡温病增寒壮热，一身骨节酸痛，饮水无度者，白虎等汤并此方主之。

凡温病四肢厥冷，身凉如冰，气喷如火，烦躁不宁，此方及凉膈增损三黄石膏汤，解毒承气汤，对证分轻重主之。

凡温病身热如火，烦渴引饮，头面猝肿，其大如斗，此方主之。

凡温病咽喉肿痛，痰涎盛，滴水不能下咽者，此方主之。

凡温病遍身红肿，发块如瘤者，此方主之。

凡温病痲疹杂出，有似丹毒风疮，此方主之。

凡温病胸高胁起胀痛，呕如血汁，此方主之。

凡温病血从口鼻出，或目出，或缝牙出，毛孔出，此方主之。

凡温病血从大便出，甚如烂瓜肉，屋漏水者，此方主之。

凡温病小便涩淋，如血滴点，作痛不可忍者，此方主之。

凡温病小便不利不通，大便火泻无度，腹痛肠鸣如雷者，宜小复苏饮，加味六一汤，并此方主之。

凡温病便清泻白，足重难移，宜此方并加味六一汤主之。

凡温病舌卷囊缩，此方主之。

凡温病舌出寸许，绞扰不住，音声不出者，此方主之。

凡温病语狂乱，不省人事，如醉如痴者，大承气等汤并此方主之。

凡温病头痛如破，腰痛如折，满面红肿，目不开者，此方主之。

凡温病热盛神昏，形如醉人，哭笑无常，目不能闭，手舞足蹈，见神见鬼，似风颠狂祟者，此方主之。

凡温病误发汗变为亡阳，发狂叫跳，昏不识人，未服他药，无论十日半月一月，但服此药散，无不辄效。

凡温病热郁失下，邪火久羁，腹满胀痛者，此方主之。

白僵蚕酒炒，二钱，全蝉蜕去土，二钱，取其清化之品，涤其疵疠之气；姜黄三钱，大黄生用，四钱，取其开拓之性，逐其怫郁之热；白蜜一钟，黄酒一钟，取其升润之味，利其上下之道。水煎诸药浓，倾调蜜酒冷服。或炼蜜为丸，用蜜酒送下，名大极凡。凡小儿温病怪证百出，俱宜。

此方名升降者，意在以僵蚕、蝉蜕能透入清阳，升以散毒。姜黄、大黄能直透污秽，降以祛热。蜜引降者以下行，酒行升者以横散。升降之义如斯，取用之妙莫测。栗山可谓神乎其技

矣。后有作者，夫谁与京。

加味凉膈散

凡温病热不得越阳气上腾，但头汗出_𠄎语者，此方主之。

凡温病头汗出，际颈而还，渴饮水浆，小便不利，此为郁热在里，身必发黄，此方加茵陈蒿主之。

凡温病手足心濺濺汗出，大便难而_𠄎语，为有燥粪，属热聚于胃者，大承气汤，加僵蚕、蝉蜕、蜜酒，和温汤加芒硝、厚朴，并此方主之。

凡温病腹痛，乃杂气潜入，邪火郁滞，阳明升降散，并此方主之。

凡温病郁热内攻，火性上炎，发即心胸结痞，脉洪滑数或沉伏者，此方看兼证主之。

凡温病热郁失下，邪火久羁，腹胀满痛者，升降散并此方主之。

凡温病发痲已尽，外热稍退，内实便秘，_𠄎语者，此方主之。

凡温病但头汗出，身无汗，际颈而还，或心中懊_𦉳，或渴饮水浆，小便不利，或赤或黄，或溷浊，肚腹胀满，或痛，或不痛，或燥结，脉来沉实有力，此皆瘀血在里，薰蒸于皮肤之上，身黄如橘色者，升降散，解毒承气汤并此方主之。

凡温病头目眩，及头胀头痛头汗，并目赤目黄，目不明，目直视、目反折，俱系杂气伏郁中焦，邪热亢闭，上攻头目，属胃象实者，升降散并此方主之。

凡温病伏热内郁咳嗽，白虎汤合升降散，小清凉散加竹叶主之。若烦闷，增损三黄石膏汤并此方加桔梗主之。

凡温病有宿燥粪结，时时呕吐者，是为下格，此方对证主之。如病愈结存，脉证俱平，但作哇声，断不可用。

凡温病内热怫郁，三焦如焚，气上冲胸而喘者，解毒承气汤并此方主之。

凡温病气急促，舌胎黄色及黑色而短气者，清化汤、增损三黄石膏汤、解毒承气汤并此方对证主之。

凡温病，表里，三焦热郁亢极，胃热如沸，蛔动不安，下气不通，必反于上，蛔因吐出。此方加川楝子、使君子、乌梅主之。解毒承气，增损三黄石膏汤加入亦宜。

凡温病通身冷凉，脉多沉滑，或沉伏，或沉细欲绝，六脉俱闭。轻则此方及增损三黄石膏汤，重则升降散，解毒承气汤主之。

凡温病心悸，郁热内盛，火性上冲，增损三黄石膏汤并此方看兼证主之。

凡温病懊_𦉳，属热毒蕴于胸中，以解毒承气及此方主之。

凡温病内实潮热，不大便者，此方主之。如便溏，则宜和温汤重加大黄、芒硝主之。

凡温病蓄热内逼，脉道不利，反致脉沉细，或闭而郁冒欲死者，加味六一顺气汤及此方主之。

凡温病舌见黄白胎，无论燥润，即以升降散并此方主之。

凡温病发热，气喷如火，目赤舌黄，_𠄎语喘息，为热之重者，解毒汤并此方主之。

僵蚕酒炒，三钱，蝉蜕十二个，温毒非二物不除；黄连、黄芩各二钱，温热上涌，以此降之；栀子二钱，连翘去干，二钱，温邪下达，以此清之；薄荷二钱，竹叶二十疋，温毒四散，以此宣之；姜黄七钱，大黄二钱，温多污秽，以此逐之；芒硝三钱，温多燥结，以此涤之；白蜜、黄酒，调汤药匀冷服。若欲下之，量加芒硝以峻其力。胸中热，加麦冬，清心润肺。心下痞，加枳实以行其气。呕渴，加石膏以散其热。小便赤，加滑石以润燥。胸腹满，加枳实、厚朴以开拓之。临证加减，贵如其证。

此方名加味凉膈者，以温热怫郁于脾胃，渐壅聚于胸膈，热非凉不除也。凉膈散方出古制，而能妙于加减，遂为温病之取用不少，爰名加味凉膈，可知用方真能加减，协证圆通妙应，则一方自可扩百病，何事百病百方之强聒塞耳为哉。而无如医流之太拘窒，虽负强聒之，尤夫复何辞。

增损三黄石膏汤

凡温病表里三焦大热，五心烦热，两目如火，鼻干面赤，舌黄唇焦，身如涂硃，燥渴引饮，神昏_𠄎语，服之皆愈。

凡温病误服表药，_𠄎语闷乱者，以此方及麻仁丸、倍大黄、芒硝，加僵蚕、蝉蜕、姜黄、蜜酒主之。

凡温病怫热内郁，口燥咽干，以升降散并此方看兼证主之。

凡温病烦渴引饮，小便赤，脉洪数，此方加大黄主之。

凡温病呕吐者，属胃中伏火郁发，此方主之。

凡温病郁热内迫，气多急促，舌胎如雪，宜清化汤，解毒承气汤并此方对证主之。

凡温病怫郁内盛，发热烦渴，小便色赤，大便自利，内热而利不止，躁闷烦乱者，以升降散，加味六一顺气汤并此方主之。

凡温病怫热结滞，火势下注，阳实阴虚，大便脓血甚如豚肝，如烂瓜肉，屋漏水者，此方对证主之。

凡温病心悸，郁热内盛，火性上冲，以加味凉膈散并此方主之。

凡温病满面色赤，目红如珠，烦躁饮水者，此热毒怫郁也。宜增损双解及升降散并此方主之。

石膏八钱，解除表里之蒸热；僵蚕三钱，酒炒，蝉蜕十个，清散热毒之郁结；薄荷三钱，香豆豉三钱，取其轻腐清凉之气以逐邪；黄连二钱，黄芩二钱，降热下出；黄柏盐水炒，二钱，知母二钱，祛其热邪之沉伏；栀子二钱，助栀子以灭火之焰；白蜜、黄酒各一钟，引。水煎诸药浓，后入蜜酒调匀冷服，或腹胀痛，或燥结，俱可加大黄二五钱，逐祛壅热。

按三黄石膏汤 人人知用之方也。而加入蚕、蝉、荷、豉、蜜酒，即能除温解毒，取用之获效匪浅鲜也。制方者用意固觉周密，用方者增损更著神奇。青出于蓝而胜于蓝。观杨栗山之用方加减而益信。

解毒承气汤

凡温病三焦大热，痞满燥实，_𠄎语狂乱，浑不识人，热结旁流，循衣摸床，舌卷囊缩，及瓜瓢温、疱疹温，上为痈脓，下血如豚肝等证，厥逆脉沉伏者，此方主之。此方加栝楼一个，半夏二钱，名陷胸承气汤，亦治胸满兼有上证者。

凡温病脉见沉伏微细，火郁亢极，阳气不能交接于四肢，故体厥，脉厥，状类阴寒者，轻则凉膈，增损三黄石膏汤，重则升降散并此方主之。

凡温病舌见黑胎者，此方看兼证主之。

凡温病内热外寒，痞满燥实，_𠄎语狂乱，詈骂不避亲疏，烦躁渴饮，不食不寐，恶人与火，昼夜无宁刻，此方雪水熬石膏煎，久服自愈。或增损三黄石膏汤随证取用亦宜。

凡温病发热厥逆，舌见黑胎，则热之极，以加味六一顺气并此方看兼证主之。

凡温病自血分发出气分，小腹满，小便自利者，此方加夜明砂、桃仁、丹皮、穿山甲主之。

凡温病热郁三焦，神昏气乱，语语不识人，升降、凉膈、六一等汤并此方消息主之。若误服表药，语语蓄血，大便黑，小便利，以麻仁丸、大承气汤对证取用，并此方加夜明砂、桃仁、丹皮、穿山甲主之。

凡温病发狂登高兼弃衣，皆邪热已极，但察其大便结或腹满而坚，或湿滞胶闭，或血热下利，或热结旁流，有可攻之证，酌用大小承气、凉膈、六一加入僵蚕、蝉蜕、蜜酒及此方主之。

凡温病杂气怫郁，三焦邪热内炽，渴欲饮水，间有漱水不欲咽者，必其人胃中湿饮过甚，或伏火未散，或蓄血停留，俱未可知。但口舌干而不咽者，轻则小清凉散、升降散清降之，重则此方主之。

凡温病内伏郁热，三焦如焚，腹胁满痛而喘者，此方主之。

凡温病阳明邪热亢闭，上乘心肺，致令神志昏愦，多有撮空之证，此方主之。

凡温病懊_𦉳，或热毒郁于胃中，加味凉膈散，并此方主之。

僵蚕酒炒，三钱，蝉蜕十个，遍行清道，解除浊热；黄连一钱，黄芩一钱，清其温热之薰蒸；黄柏、栀子各一钱，导其温邪之下降；枳实面炒，一钱五分；厚朴姜汁炒，五钱，驱胸膈之沸腾；大黄酒炒，五钱，芒硝三钱，另入，逐胃府之填实。水煎，入白蜜冷服。虚极加人参二三钱，辅其清气。如无参，用熟地三钱，当归七钱，山药五钱，滋阴和中亦宜。

此方乃黄连解毒汤合大承气汤加入蚕蝉，故名解毒承气汤也。用方者须知温热上溢，则非清凉之味无以解其毒。温热中据，则非苦寒之性无由逐其秽，亢则害，承乃制，妙应各得加减协证，是谓上工。

增损双解散

温病主方。温毒流注，无所不至。上干则头痛目眩耳聋，下流则腰痛足肿，注于皮肤则癩疹疮疡；壅于肠胃则毒利脓血；伤于阳明则腮脸肿痛；结于太阳则腹满呕吐；结于少阴则喉痺咽痛；结于厥阴则舌卷囊缩。此方解散阴阳内外之毒，无所不致矣。

凡湿病恶寒，口燥咽干，舌黄唇焦。轻则神解散，重则升降散并此方对证主之。

凡温病头痛或头胀痛，乃邪热郁结于内，上攻头面，三阳断不可发，轻则神解、清化，重则升降，并此方看兼证主之。

凡温病热郁，三焦表里阻隔，阴阳不通，身体痛，骨节痛以及头痛，项强发热，恶寒恶风，目痛鼻干不得眠，胁痛耳聋，寒热而呕等证。如神解、芳香、升降、加味凉膈等汤之类，对证取用，并此方酌轻重主之。

凡温病烦热，由杂气伏郁三焦，邪火亢闭，佛热燔灼，故心神无定。治宜增损三黄石膏汤之属并此方主之。

凡温病怫郁中焦，流布上下，即见少阴经口燥舌干，咽喉肿痛不利之证，以其脉贯肾络于肺，系舌本故也。此方加玄参、牛蒡子，或增损普济消毒饮，倍桔梗，加荆芥穗，或升降散加入，尤为对证之药。

凡温病表里三焦大热，渴欲引饮，烦躁不安，宜增损三黄石膏汤、升降散并此方主之。

凡温病热郁三焦，阴不敌阳，大渴引饮、烦躁不眠，宜增损大柴胡并此方主之。

凡妇女温病由血分发出气分，里证多见，神解散、小清凉散、升降散并此方随证主之。

凡妇女妊娠温病，热甚躁急，胎动不安，必须下之，慎勿疑于参术安胎之说，盖以夺其里热，庶免胎堕。否则邪火壅郁，胎自不安，转气传血，胎胞何赖？酌用升降散，加味凉膈散逐去其邪，则焰熇顿为清凉，气回而胎自固，反见芒硝为安胎之圣药，并此方亦宜。

凡妇女产后温病，佛郁内炽，用三合汤加减主之最妙。如万不能下，酌用升降散无妨，或此方去芒硝、黄连，加生地、川芎，尤为对证。

僵蚕酒炒，三钱，蝉蜕十二个，除杂气之佛郁；防风、薄荷各一钱，荆芥一钱，散火焰之上炎；黄连、黄芩各一钱，灭温热之沸腾；连翘、栀子各一钱，清郁热之下达；石膏六钱，滑石三钱，解肠胃之炎燥；大黄酒浸，二钱，芒硝二钱，荡中州之壅结；姜黄七分，桔梗二钱，破温势之壅闭以通关；当归二钱，白芍一钱，和阴气以除燥烈；甘草一钱，清热调中；白蜜、黄酒，引。水煎，入蜜酒冷服。

双解散本表里两解之方，而用方者乃损去麻黄、川芎等辛热行表之味，增入僵蚕、蝉蜕轻清化浊之性，爰名增损双解散。用以治温病之表里大热，怪证蜂起，胥无不效，圆通妙应，引申触类。凡用方者，能知如斯增损之法，则古方可用，古方亦可无庸珍秘矣。

增损大柴胡汤

凡温病热郁腠理，以辛凉解散不致还里而成可攻之证，此方主之，乃内外双解之剂也。

凡温病协热下利，其人或大便素不调，邪热乘胃便作烦渴，如素日泻泄稀粪而色不败，其色但焦黄而已。午后潮热，便作泻泄，子后热退，泻泄亦减，次日不作潮热，利亦止，为病愈。若潮热复作利不止者，此方主之。

凡温病内实潮热，不大便者，此方主之。或大承气汤，加味凉膈散亦可。

凡温病盗汗，邪热内郁，外侵于表，升降散主之。或此方加牡蛎、龙胆，或龙胆末、猪胆汁同温酒调服。

凡温病手足心及腋下汗出者，此方主之。

凡温病潮热，脉滑大沉实，脐腹胀满，按之硬痛，手足心腋下濼濼有汗者，此方主之。或加味凉膈散，加龙胆草，务要酌度，适中病情，不可太过不及。

凡妇女温病，热入血室，昼则明了，夜则昏语，此方加归尾、桃仁、穿山甲主之。

柴胡四钱，调燮阴阳；薄荷三钱，散其风热；陈皮三钱，顺其逆气；黄芩二钱，清肺热以祛燥；黄连一钱，解心热以退蒸；黄柏一钱，降肺热以顺运；栀子二钱，伐肾热以灭焰；枳实一钱，驱胸热以行气；大黄二钱，逐胸热以除秽；广姜黄七分，破涌热以解毒，白僵蚕酒炒，三钱，涤温气以潜消；全蝉蜕十个，祛温郁以暗解；白芍一钱，和营气以御热。呕加生姜以和胃，水煎诸药，后入黄酒一两，蜜五钱，和匀冷服。

此方本大柴胡汤，而损其人参、半夏，恐其凝滞表热，愈添中燥，增入蚕、蝉、姜黄、栀、连、黄柏，资其洗涤温毒，清理炎热，爰名增损大柴胡，其所裨益于温证表里两解者，诚匪浅鲜也。临证取用，其审察之。

小清凉散

凡温病伏热内郁咳嗽，白虎合升降散并此方加竹叶主之。

凡温病伏热内郁，口燥咽干，以升降加味凉膈白虎等汤并此方主之。

凡温病杂气伏郁三焦，邪热内炽，渴欲饮水者多矣。间或有漱水不欲咽者，必其人胃中湿饮过甚，或伏火未散，或蓄血停留，俱未可知。但口舌干而不欲咽者，轻则白虎，重则此方主之。

凡温病由血分发出气分，里证诸多，此方消息主之。

僵蚕、蝉蜕各三钱，解其郁毒；泽兰二钱，紫草一钱，入血分以活血，兼散血中之热；黄连酒炒、黄芩酒炒，各一钱，祛上焦之涌热；栀子、丹皮各一钱，清下焦之薰蒸，石膏五钱，银花一钱，除表里之邪，即除表里之毒；当归、生地各二钱，滋阴润燥；蜜酒、童便各一小钟，引。先煎诸药浓，后入蜜酒、童

便，调匀冷服。

此方名小清凉者，意在清以去渴，凉以去燥，芩、连、膏、梔，辛苦味备，是凉以夺其热也。蚕、蝉、泽、草，气血各行，是清以解其毒也。归、地活血滋阴以佐凉之过，丹、银除蒸散郁以助清之力，蜜酒彻上彻下以奏捷，童便祛瘀生新为导引，合以局方，不失之峻，亦不失之不及，以其非峻，斯可以小名之，以其无不及，而乃以清凉名之。观大小清凉之著，可以想见医之明哲矣。

犀角地黄汤

凡温病胃火热盛，衄血吐血，咳血咯血，便血蓄血，或发痲疹，此方并治之。

凡温病衄血不尽，血结胸中，手不可近，漱水不欲咽，身热喜忘如狂，腹胁胀满，大便黑、小便利者，此方主之。

凡温病痲出赤红者，为胃热。紫红者为热甚，黑色者为胃烂也。鳞红起发者吉，最忌稠密成片，如热甚，脉洪数，烦渴者，宜参观伤寒痲疹治法，并白虎汤合此方，量加僵蚕、蝉蜕、姜黄对证主之。

凡温病蓄血上焦胸胁，手不可近，此方合黄连解毒汤主之。

凡温病热毒蕴结成衄，脉滑数者，此方主之。

淮生地六钱，白芍四钱，牡丹皮三钱，犀角镑，二钱，磨汁或未入，水煎入犀汁服。瘀血甚者，加大黄三钱以行之。或因怒致血，或热如狂，加柴胡平少阳厥阴之火，黄芩泻上中二焦之火，梔子泻三焦之火也。生地甘寒，凉血以滋肾水，丹皮苦寒，泻水中之伏火，犀角大寒，解胃热而清心火，白芍酸寒，和阴血而散肝火，以其平诸经之僭逆也。

增损普济消毒饮

凡温病初觉增寒壮热体重，次传头面肿盛，目不能开，上喘咽喉不利，口燥舌干，俗名大头温，此方主之。

玄参三钱，黄连二钱，黄芩三钱，连翘去心，梔子酒炒，牛蒡子炒研，蓝根如无，以青黛代之，桔梗各二钱，陈皮一钱，甘草生用，一钱，全蝉蜕十二个，白僵蚕酒炒，三钱，大黄酒浸，三钱，水煎去渣，入蜜酒、童便冷服。

此方芩、连泻心肺之热为君，玄参、陈皮、甘草泻火补气为臣，翘、梔、蒡、蓝、蚕、蝉散肿消毒定喘为佐，大黄荡热斩关，推陈致新为使，桔梗为舟楫，载药上浮，以开下行之路也。

大清凉饮

凡温病表里三焦大热，胸满胁痛，耳聋目赤，口鼻出血，唇干舌燥，口苦自汗，咽喉肿痛，𦉳语狂乱者，此方主之。

凡温病吐血衄血，皆属热毒内郁，经络火盛，火载血液而妄行，此方主之。

人参一钱五分，峻固真气；熟地三钱，当归二钱，大滋阴血；大黄酒浸，三钱，芒硝二钱，逐其燥结；枳实、厚朴各一钱，荡其涌热，水煎温服。

此方补泻兼施，凡属脉虚证实、证虚脉实之候，皆宜对证取用，使寒者得温润之味而有长养滋荣之益，热者遇苦寒之性而有推陈致新之妙焉。观此而知阴阳调燮之道，法贵中和，尤贵圆活。人有谓寒热补泻不宜并用者，是亦见之不广，识之一偏也，岂足为定论乎？医流果能深加玩索，引申触类，则举桂、附、参、术，一切辛热之壮阳者，何在不可与硝、黄、知、柏，并驾齐驱，合以建背城之功，尽匡勦之义欤？噫，医虽小道，而神而明之，变而通之。夫固存乎其人，宇宙间不多觐者也。何幸有此大清凉散之足取证哉。

犀角大清汤

凡温病癍出，心烦不得眠，错语呻吟，或咽喉不利者，宜参观伤寒癍疹治法并此方对证主之。

犀角二钱，为末或磨汁对汤服，解肝家之风热；大青三钱，或以青黛代之，清蒸热于血分；玄参三钱，散伏热于下焦；黄连一钱，黄芩二钱，降其涌热；黄柏、栀子各一钱，祛其蒸腾；升麻一钱，升其清阳以胜浊邪；甘草五分，调和中气。水煎诸药，入童便、犀角汁冷服。温病宜加入白僵蚕、蝉蜕各三钱以解温毒尤妙，大便秘结，加大黄以逐秽。

方中君犀角、大青以解热除毒，臣芩、连、栀、柏清三焦之郁蒸，佐升、麻、甘草固清阳以存胃气，使玄参以除浮游之火，合邪化热，药取为君，即以名方，观此可知犀角、大青真解癍热之圣药也。然非实热，用亦宜择。

芳香散

凡温病头痛身痛胁痛，呕吐黄痰，口流浊水，涎如红汁，腹如圆箕，手足搐搦，身发癍疹，头肿舌烂，咽喉痺塞等证，此虽怪怪奇奇，不可名状，皆因肺胃火毒不宜郁而成之耳。治法急宜大清大泻之。但有气血损伤之人，遂用大苦大寒之剂，恐火转闭塞而不达，是害之也。此方主之，其名芳香者，以古人元旦汲清泉，以饮芳香之药，重涤秽也。

玄参一两，清浮游之火，合温化热；白茯苓五钱，渗湿热以交火水；石膏五钱，解散表里之炎烈；蝉蜕十二个，僵蚕酒炒，三钱，涤温毒之郁结；苦参三钱，降热气于上焦；黄芩一钱，天花粉三钱，除热势之薰蒸；神曲三钱，炒，荆芥三钱，祛阳明之热滞；陈皮一钱，甘草一钱，调和气血以胜邪。水煎诸药浓，倾入蜜酒冷服。

此方治气血亏损之辈复感温毒，脾胃火郁，怪证百出，虽方中不遽，投以峻为清下之味。而降热解毒，合以局方，其间君臣佐使，轻重调燮之各协，爰取义于古人元旦饮芳香以涤秽。颜曰：芳香散临证取用，可勿玩索而宝贵欤。

柴胡清燥汤

凡温病下后厥回，身复热，脉大而反数，舌上生津，不甚饮水，此热邪渐去，郁阳暴伸，为阴枯血燥，是方主之。

凡温病阳明下血_㉞语，此为热入血室，但头汗出者，此方加穿山甲、桃仁、黄连、大黄、芒硝主之。

柴胡三钱，升清降浊；黄芩二钱，除里热以和里阴；陈皮一钱，散逆气以和真气；知母二钱，清伏热以灭余烬；花粉二钱，利咽道以生津液；僵蚕酒炒，三钱，蝉蜕十个，入清道以解余毒；大枣一枚，擘，甘草一钱，调中土以使气之充周，水煎温服。

此方加当归、白芍、生地，调营中之气血，名柴胡养荣汤，数下后余热未尽，邪与卫搏，故热不能顿除，宜此汤和解之，名柴胡清燥者，以阴枯则邪热淹留。方中君柴胡，以散热调气；臣黄芩、知母、花粉，以降火灭焰；佐枣、草，以调中，使蚕、蝉、陈皮，以涤毒热，以行气滞。合而局方自见，邪祛正复，阴滋阳生，燥不待攻而渐润矣。用方者，其知所取义可。

小复苏饮

凡温病大热，或误服发汗解肌药，以致_㉞语发狂，昏迷不省，燥热便秘，或饱食而复者，宜麻

仁丸，并参观伤寒狂证治法，及此方主之。

僵蚕二钱，蝉蜕十个，令浊邪之伏行而扫除之；黄连一钱，黄芩一钱，治温气之上达而清凉之；黄柏一钱，知母一钱，清温邪之伏聚而滋化之；木通二钱，车前子炒，二钱，散温蒸之蓄积而导出之；栀子炒黑，一钱，丹皮一钱，乘温热之下趋而扑灭之；神曲三钱，化其热结之有滞；生地三钱，滋其水源之恐枯；桔梗一钱，通其清浊之升降；白蜜、黄酒、童便各一钟，引。引入气血之关窍。水煎诸药浓，后入童便、蜜酒冷服。

何谓小复苏，苏者取义于更生也，复者取义于返还也。凡人身气血之绝续，视乎邪气之盛衰。邪太强则正日见其消亡，正既胜则邪自见其退除，此理有固然也。方中所用药品，纯以清利苦降之味，局而成方，是解热导热之并行，无非救阴救阳以来复也。爰命方名曰复苏，意不在兹乎？至复苏而以小加之，特别乎大复苏以为名者也，观后方自晰。

大复苏饮

凡温病表里大热，或误服温补和解药，以致神昏不语，形如醉人，或哭笑无常，或手舞足蹈，或谩骂人，不省人事，目不能闭者，名越经证，及误服表药，而大汗不止者，名亡阳证，宜观汗证治法，并此方主之。

凡温病脏结之证，一有舌胎，便知热邪内结，即酌用神解散，并此方清解之，或与太极丸缓下之，庶几可生。

僵蚕三钱，蝉蜕十个，升散温热之气；当归三钱，淮生地二钱，滋阴气以抑阳之亢；人参一钱，甘草一钱，固正气以和胃；茯神一钱，使水火之相济；黄芩一钱，酒炒，黄连一钱，酒炒，灭火之焰以润气之燥；丹皮炒黑，一钱，栀子炒黑，一钱，清下焦之伏邪；麦冬一钱，犀角镑磨汁，一钱，解肺肝之热蒸；天麻一钱，除太阳之风热；滑石二钱，滋肠胃以降热；白蜜、黄酒，引。水煎，入蜜酒冷服。

制复苏饮而有大小之分者，大要以二方皆救坏之品，与虚弱病温之人所最宜用者也。故以温毒之重病，而小复苏所用药味，纯为轻清利导之性，大复苏所主药味，尤多滋阴固阳之品，清无或过，补不致峻，有此二方，出入互用，则温病不虑变幻之莫测矣。学者其留心玩味可也。

加味六一顺气汤

凡温病火郁，上焦大热，面赤舌黄唇焦者，此方主之。

凡温病胃家实，邪热壅闭，续得下利纯臭水，全然无粪日三五度，或十数度者。轻则升降散，重则此方主之。如服药后不得结粪，仍稀水旁流，宜用解毒承气汤，虚加人参，无参以熟地一两，归身七钱，山药五钱，入前药煎服。

凡温病厥逆杂气，阳热内迫，格阴于外，气闭不能达于四肢，轻则凉膈散、增损二黄石膏汤，重则解毒承气汤并此方对症主之。

凡温病痉证，手足战掉者，此方主之。

凡温病蓄热内逼，脉道不利，反致脉沉细，或闭而郁冒欲死者，宜加味凉膈散及此方主之。

僵蚕酒炒，三钱，蝉蜕十个，引温毒下降于二便；黄连一钱，黄芩一钱，清温热上乘于心肺；柴胡三钱，白芍一钱，解温气侧行于肝胆；大黄四钱，酒浸，芒硝五钱，逐温蒸填实于脾胃；厚朴一钱五分，枳实一钱五分，荡温邪壅闭于胸膈；甘草一钱，和中州以利导水，煎诸药后入蜜酒，调匀冷服。

方名六一顺气者，意在凡邪气内郁则正气必逆，温热拂郁，脾胃渐盛则气渐燥，愈结则气愈炽。方中所用清凉以滋化，沉寒以逐秽，是即所谓一生六成之微旨也。况复取物性之清化，藉以涤疵疢之浊毒，则即其加味之妙，不更有以合生成之道乎？用是方者，盍潜心玩索焉。

神解散

凡温病初觉增寒，体身壮热，头痛，四肢无力，遍身酸痛，口苦咽干，胸腹满闷者，此方主之。

凡温病小腹满，小便数，宜升降散并此方对证主之。

凡温病恶风，等于恶寒，阳伏于内，阴格于外，不过初病一二日后，则恶湿不恶风寒矣。要之邪热内郁，轻则发越于外，而手足温；重则内外格拒，而通身凉，死生关头，惟在识与不识耳。宜芳香、升降、凉膈并此方，斟酌得宜，万无一失。

僵蚕酒炒，一钱，蝉蜕五个，引毒热下出于便道；神曲炒，三钱，化壅滞以祛热；金银花二钱，散热解毒；生地二钱，滋水制火；木通一钱，车前子一钱，炒研，利水道即以除伏邪；黄芩一钱，酒炒，黄连一钱，温气上壅以苦泻之；黄柏盐水炒，一钱，退阴分之热蒸；桔梗一钱，载药上达，兼通咽道，水煎诸药浓，后入黄酒、白蜜各一小钟，和匀冷服。

此方之妙，不可殚述。温病初觉，但服此药，俱有奇验。外无表药而汗液流通，里无攻药而热毒自解。有痲疹者即现而内邪悉除，此其所以为神解矣。

人参固本汤

凡温病虚极热极，循衣撮空，不下必死者，下后神思稍苏，续得肢体振寒，怔忡惊悸，如人将捕之状，四肢厥逆，眩晕郁冒，项背强直，此大虚之兆，将危之候也，此方救之。

人参三钱，峻固正气；熟地三钱，生地二钱，滋阴活血；当归二钱，杭白芍一钱五分，调和营气；天冬去心，二钱，滋阴清以下降；知母一钱，裨地气以上腾；五味子一钱，陈皮一钱，敛耗散以解滞逆；炙甘草一钱，温中固胃。水煎浓，稍冷服，服后虚回，止后服。盖温病乃火邪燥证，人参固为补气之神丹，但恐偏于益阳，恣意投之，有助火固邪之弊，不可不知也。

此方气血两补，固本药居七八，而治标药仅一二。用是方者，须知温病最忌温补，亦有迫以不得不补，力回元阳于无何有之乡者，如此汤是。然非实有是真虚之证，能察之周，见之定，慎不可轻投也。

地榆散

凡温病热毒不解，日晡潮热，腹痛便利脓血，甚如烂瓜肉，屋漏水者，此方对证主之。

地榆二钱，入血分以退蒸；当归四钱，活血之源；白芍四钱，调营中之气；黄连二钱，黄芩二钱，降涌热即以滋阴血；栀子炒黑，二钱，犀角镑磨汁，二钱，除薰蒸即以存阴气；薤白四钱，通关利窍，解热祛毒。水煎诸药浓，后入犀汁冷服。

方不以地榆为君，而以地榆名散者，盖以药贵导引之协证，斯药得相济而有功，地榆直入血分，善祛瘀而生新，合归、芍、芩、连、栀、犀、薤白，同奏清润之奇效，共建洗伐之伟绩，则诸证悉平，无复燔烁亢害，脓血杂出之虞矣。用是方者，其知听命意否？

六一散

凡温病及中暑身热烦渴，小便不利者，宜白虎汤并此方看兼证主之。

桂府滑石研末水飞晒干，六两，取其滋阴润燥；粉甘草为末，一两，取其清热和中。合研匀，新汲水调服，或冷饮调下。每服三钱，取外水以救内热之炎热，加朱砂三钱，取其清心以除烦热之极，加青黛三钱，取其凉膈以解郁蒸之甚，加薄荷三钱，取其散肺以祛炎上之焰，临证加入，须各适其证。

方各六一，一取义于分两之轻重，一取义于六一之生成也。因义命名，深意自裕，是在用方

者所当熟思也。

清化汤

凡温病壮热增寒，体重口燥舌干，上气喘吸，咽喉不利，头目猝肿，目不能开者，此方主之。

凡温病妇女妊娠，内蕴邪热，里证居多，不可发汗，急用护胎之法，并底泥涂脐至关元，干再易之。或以青黛、伏龙肝为末，水调涂之。若大热干呕，错语呻吟，以增损三石膏汤并此方主之。

僵蚕酒炒，三钱，蝉蜕十个，取其轻清之品，解其重浊之气；金银花二钱，泽兰叶二钱，散其血分之伏热，即以除血分之毒；广陈皮二钱，牙桔梗一钱，散逆气即以通清道；黄芩二钱，龙胆草一钱，酒炒，清气燥即以解风热；栀子炒，一钱，连翘去心，一钱，玄参一钱，降除伏邪以滋水济火；白附子五钱，火炮，散头面之肿即以散毒；甘草五分，清热和中。大便实，加大黄酒炒，四钱，逐其壅塞。咽喉痛，加牛蒡子炒研，一钱，降热利咽。头面不肿，去白附子。水煎诸药，入蜜酒冷服。

方名清化，盖以温属浊邪，必得清以涤之。温为毒结，必须熔以化之。方中所用药品，无非轻清滋化之性，俾温随清而解散，温得化而消释。用方者可以知局方之人其用意固自精详宜师也。

三甲散

凡温病主客交病，证见发热身痛，饮食暴绝，脉滑而数，痞闷不眠，是方看兼证加减主之。

鳖甲酥炙，一钱，入阴分以祛积热；龟甲酥炙，一钱，滋真阴以退燥；穿山甲土炒黄，五分，透经络血脉以破瘀；僵蚕生用，一钱，涤温毒以下降；蝉蜕五分，入清阳之道以解毒；牡蛎粉五分，软坚消邪于下，咽燥不用；当归五钱，活血源以涤热；白芍酒炒，一钱，疏肝醒脾以调营；甘草五分，和中气以调诸药；廑虫二个，捣烂入酒，取汁入药，去瘀生新，兼擅其长。水五升，先煎诸药浓，后入廑汁调匀温服。若素有老疟或瘧症，加何首乌一钱，以滋阴驱疟，川牛膝一钱，载药下行。胃弱欲作泻，宜九蒸九晒，恐其性滑助泻，令胃愈弱。若素有郁痰者，加川贝母一钱，去心，逐去燥痰以润肺，栝楼仁二钱，捣烂，祛痰之顽，即以润肺之燥，呕则勿用。呕不用者，恐其助呕。若咽干作痒者，加知母五分，天花粉五分。知母清血分之伏热，天花粉和咽道以生津。若内伤瘀血者，倍廑虫以逐瘀。廑虫俗谓土鳖，如无此物，用桃仁泥一钱，干漆炒，烟尽五分代之。

三合汤

凡妇人产后温病大热神昏，四肢厥逆，谵语或不语等证，若发狂燥结，量加大黄、芒硝。《内经》曰：热淫于内，治以咸寒，佐之以苦。又曰：有病则病当之是也。

当归八钱，酒洗，活血源以祛热；川芎二钱，行血中之气以祛邪；桃仁不去皮尖，炒研，二钱，破瘀逐热，以锐其气；红花一钱，酒洗，生新除旧血无涌滞；益母草去老核，五钱，行血和气，兼擅其长，软柴胡四钱，升清降浊以散郁蒸；黄芩三钱，清里热以固肺；栀子三钱，粉丹皮三钱，解伏邪以祛燥；僵蚕酒炒，三钱，全蝉蜕十二个，解散温毒，无处不周；金银花三钱，泽兰叶三钱，搜风逐热，营气和合；生甘草一钱，调燮诸药。水煎诸药浓，后入蜜酒、童便，调匀冷服。

方名三合者，以其合清化、小柴胡、小清凉三方而一之也。观此可知病之杂出各殊，方之取用宜协，用方而不泥局方之尽善，则以师古之心即谓为妙趣之横生也亦宜。

加味太极丸

小儿温病主方，凡治温病皆可随证酌用。此方即升降散加天竺黄一钱，胆星一钱，冰片一分，

使其风热合化，所生之痰涎，得竺黄、胆星、冰片而消融，不复郁蒸之再作矣。上七味称准为细末，糯米浓和丸如芡实大，冷黄酒和蜜泡化一丸冷服，薄稀熬酒亦可。本方去天竺黄、胆星、冰片，即升降散，炼蜜丸即太极丸是也。用之便而且嘉，看证消息治之。

此方名加味太极丸者，以人身之中有太极，其生化无穷，其玄妙难测。凡温病郁热团聚于脾胃，阻滞其太极之生机，扰乱其太极之气运，水大渐失其升降之性，气血渐被其消耗之极，则人命危若累卵矣。况小儿之气机柔嫩，尤难堪此温毒之燔烁乎。自有此加味太极丸出而寿世，则有补于小儿之造化抑何极欤。至太极丸而有加味之论，则又以升降散蜜炼为丸，既名太极丸，虽亦可治小儿温病怪证百出，然尤不如此方。加入竺黄、胆星、冰片，其用意更为精密，其治证更觉神妙也。用方者其对证酌用，不鹵莽以从事，庶小儿温病可收全功焉。

拨正散

专治杂气为病，阴阳毒痧胀及一切无名恶证，并食厥气厥痰厥皆验。

芫荽二钱，辛热能除阴寒；雄黄二钱，解毒行滞；火硝二钱，精锐利行；麝香五厘，大开窍，冰片五厘，解散炎蒸。上为细末，男左女右，以筒吹入鼻中即苏。

方名拨正，以正为邪所困结，用以拨而出之，易乱为治也。此方大有奇效，所当共珍。

玉枢丹一名紫金锭

专治暴中杂气病，昏晕欲倒，如霍乱、吐泻、扰肠痧，青筋胀，心腹痛胀，诸般危证，并一切山岚瘴气，水土不服，解诸毒，疗诸疮，利关窍通百病，奇效不可殚述。

山茨菇洪山出者，洗去皮毛焙，二两，消磨积毒；川蚊蛤一名五倍子，制净，槌破焙，二两，收涩正气兼逐邪气；红牙大戟去净骨，焙，一两五钱，驱毒降热使无壅滞；千金子一名续随子，用鲜者去壳去油，一两，坠毒下行使无停留；朱砂有神气者，研末，三钱，清浊热之上乘；明雄黄鲜红大块者研末，三钱，解毒醒脾；麝香拣净皮毛，研末，三钱，通关利窍，无微不周。上七味称准，合研匀于石臼内，渐加糯米，浓饮调和，燥得宜杵千余，以光润为度，每锭重一钱，每服一锭，病重者，连服二锭，取通利后，以温粥补之。

方名玉枢，以其一方能括百病，只在取引煎服，各如其证。譬诸璇玑玉衡，转运各协度数，毫无差谬也。

一治一切饮食药毒蛊毒及吃自死牛马猪羊等肉，菌中毒并山岚瘴气烟雾恶毒等证，昏乱猝倒，或生异形之状，悉用凉水磨服。

一治阴阳二毒，瘟疫痧胀，或狂言乱语，或胸腹肿痛，并喉痺咽肿，俱用薄荷汤待冷磨服。

一治痈疽发背，对口天泡，无名肿毒，蛀节红丝等疔，诸恶等疮，诸风瘾疹，久痔红肿，及杨梅结毒，俱用无灰酒磨服，外用凉水磨涂。日夜数次，觉痒即消。溃烂者，亦可少减。

一治男妇急病痴邪，奔走叫号，失心狂乱，羊儿诸颠等风，俱用石菖蒲煎磨服。

一治心胃痛，及诸般气痛，及诸般血痛，并赤白痢，泄泻急痛，霍乱绞肠之类，俱用姜汤磨服。

一治中气中风中痰，口眼歪斜，牙关紧急，语言蹇涩，筋肢挛缩，骨节风肿，遍身疼痛，行步艰难等证，用酒磨，炖热服之。

一治风犬毒蛇，涧溪诸虫伤人，及注遍身毒气入里，命在旦夕，俱用酒磨服。外用水磨涂之，再服葱汤，汗出自愈。

一治年深日久，头胀头痛，偏正头风，及温病后毒，气攻注脑门作胀者，俱用葱汤磨服，仍磨

涂太阳穴上。

一治小儿急惊风，五疳五痢黄疸，俱用薄荷磨，加蜜调服。治小儿遗毒，生下百日内，皮塌肉烂，谷道眼眶损者，凉水磨服并磨涂。

卷三十九

第三十九章 温病坏证全篇

凡温病证出乎常，则用治犹易，即温病证出其变，而用治虽难犹易也。盖常者正治，变者反治，或酌证之杂出，探证之消息，总以对证施治，如法应变，则病虽剧，当渐减而渐瘥也。然皆属证之有成法可师，治之有变法可宗者。若夫温病之中，尤有其人之脏腑气血既不堪此温毒之浸淫，其证之暴厉凶危竟致令人旦夕之垂绝，倘临证无起死回生之妙术，势必坐视其毙，束手无策也。是集特举温病无可治之证，在人即徒为悼叹者，另揭为篇，逐列问辨，详论证治，不致以治无从施，遂谓大命有定，为可悯也。有济世之权者，诚知取而玩索，则寿人寿世之神妙，当匪浅鲜也。何幸人之皆深心于是篇也。

第一问 温病有脉洪而散或沉微而涩，人谓不治，不知犹有治否

辨 病不畏剧，总在审人气血之盛衰，以定病证之安危。盖血足则真阳无亏，而阳不虞其或竭；气足则真阳无损，而阳不虞其过亢。正胜者邪自败，邪微者正必强，此固理有可据也。否则血气素耗，邪气深入，虽轻病犹宜峻防，况重以疵疢之毒，直据脏腑之内乎？稍一失治，生死反掌，且稍一迟疑，无可救药，皆为势所必至也。即如温病，有属脏腑久虚，痰火久郁之辈，脉诊得浮洪而散，或沉微而涩。夫温为热毒之内伏，脉为气血之内应，温病之脉宜见洪滑，顾脉见浮洪而散，即脉之浮散，知气血之消耗已极也。脉见沉微而涩，即脉之沉涩，知脏腑之阴阳俱败也。凡温病之治法，无不以辛热甘温为禁。脉之浮散与沉涩既舍温补之莫疗，值此势处两难之证，而有不治复两穷乎？故古今之论温者，皆谓温病得斯脉者不治。良以此证之所由致，在富贵人必淫欲耗竭，在贫贱人必饥饱劳伤，复中温毒。以阴阳既消磨于平素，而毒热复填实于脏腑，临证即欲施治，究未有能出此万全之策者。特制：

攻温固脉煎 以治温病脉浮洪而散，或沉微而涩，属其人脏腑久虚，痰火久郁，正不胜邪，水不胜火，危在一二日者。熟地一两，峻固真阴；当归一两，活其血源；洋参三钱，辅其正气；紫草三钱，入血分开窍以祛毒；泽兰三钱，入气分行气以散邪；大黄酒浸，三钱，逐其污秽；芒硝三钱，破其燥结；白僵蚕三钱，酒炒；全蝉蜕十二个，解释温毒；白蜜、黄酒各一杯，助其升降之力；黄连、黄芩、栀子各二钱，清其上下之热。水五升，先煎熟地、当归、洋参极浓，后入诸药煎二三沸倾出，调蜜酒匀冷服，服后不时饮雪梨汁，调新汲水一钟，滋其化源，使不致燥，痰盛加枳实、姜黄三钱，破结痰以解毒热更协。

第二问 温证有暴热猝起，危在旦夕，或一二日不知，犹有治否

辨 温病之坏证无多，必须能识证之变幻，证之险怪，任千情万态之横生，皆自了然于心目而无所眩惑，斯温病无失治之虞，亦鲜有不治之证矣。否则证不熟识，而治欲无谬也得乎？即如杂气中人，有令人暴发猝起，证见咽喉痛、身痛、口噤牙紧、面色青黑、横身经络皆青、十指色如靛叶，险证百出，奇形莫测，临证须知青色之遍著，乃阴毒封固其阳窍也。痛苦之急发，乃邪气透入于筋骨也。口噤牙紧无非真阴真阳失其升降阖辟之常，咽喉燥燥无非真津真液失其往来流通之正，一杂气之淫人立致变迁如斯，斯证有一二日而危者，有朝发暮死、夕发旦死，甚或不数时间，凶危立见。总以病势之轻重、卜生死之久暂而已。藉令不知为温毒，势必遇目之下，

仍同为束手待毙之人也。古今来如上论证，卒致危亡莫救盲然莫识者，岂可数计哉！窃为指其治法。凡温病骤发身痛咽痛，大满大胀，十指靛青，通身经络青紫暴出，如篇中所论等证，急宜先刺尺泽、委中，令十指血出，或用拔正散，分男左女右，吹入鼻中，立能致苏，内服玉枢丹，对证取用，自无不协。散丹俱解见采附温方集中。

第三问 温病有脐下动气而喘，不知犹有治否

辨 人身一元之气，属真阴真阳所往来媾育之蒂，即属真津真液，所升降流通之源。人得此气调和，而息之深深达之臆臆，各不相害，必得此气镇静，而五行相杂，百骸相系，各正性命，凡邪气安能犯入其中哉？即外而客邪感之，内而杂气中之，终觉邪不胜正，莫能深据为殃，而贾祸莫测者也。惟人平昔不知保护，令精血枯竭，脐下筑筑然振动，是为真气动于气海，即此内元亏败已云，一蹶恐难再振，矧复重之，以温毒内伏，两相亢害，尚可冀其万全无忧欤？故温病之中有所谓证者，在气上冲胸而喘，知毒热薰蒸于胸次，治可以加味凉膈散荡胸中之怫郁，在胸胁满痛而喘，知疵疢壅聚于中州，治可以解毒承气汤逐胃中之填实。此二证者对证施治，皆无不应手而愈也。惟温病发喘证，兼见脐下动气，古今医论皆谓此为真气失守，虽有神工，难庆再生也。是集特制方救之，深意所在，立能更生以永命。临证其取用而玩索之，庶有以得至理之匪诬也已。

定喘镇动煎 凡温病发喘自下气海动气而喘者，是方主之。茯苓五钱，代肾邪以交济水火；熟地五钱，滋真阳以润燥烈；杏仁十七粒，润肺气以止喘；当归三钱，活血祛热；代赭石三钱，用附子煎汁分，冷淬十次，坠气入肾不虑助焰；蝉蜕、僵蚕各三钱，解除温毒；黄连、黄芩各二钱，除其壅热；郁李仁、石膏、滑石各三钱，清热润燥，各奏其能；大黄三钱，逐其结毒；蜜、酒各一杯，引。先用水一斗盛盆中，以杓圆搅，逐取水泡千余珠，入当归、熟地、茯苓浓煎，后入诸药煎二三沸，倾调蜜酒冷服一次，二次去酒，重加蜜为引，煎药逐取水泡者，以水中火动，故取水之动为泡，使其同类相招，不可不知。

第四问 温病有数下之后，脉不出厥不回者，不知犹有治否

辨 病有轻重之宜察，治有缓急之宜分。缓者急之，必致轻病之增重；急者缓之，必致重病之莫解。此治病之大法也。即如温病虽热毒内伏，治宜以清下为先，而不得迟疑固循，使热势如火之燎原，不可响迓，其犹可扑灭乎？诚以温病之中，有内热之极，反露假阴以淆目。有若温病脉沉微，甚或无脉，证见手足厥逆，甚或通体冰冷，临证须知是证，必有口舌焦燥，二便闭结之可征，治宜急下以救真阴，稍迟则无救矣。验之口舌二便，方与伤寒发厥有别。古今医论皆谓温病体厥脉厥，数下之而脉不出、厥不回者死。人之为是论者非绝无所见而云然也。盖谓温病之脉，得下而犹不出，是气血之真元将竭，无力以上应也。温病之厥，数下而犹不回，是阴阳之真元各裂、不相为维系也。此而谓其必死，抑何疑乎，然正不得谓其无疑也。夫人身脏腑，赖气血以滋荣，人身中上资阴阳之交媾，以温病之怫郁脾胃，固当峻下以逐其毒，使毒热祛而水火自各得所升降焉。第一下再下，直至数下，下之力即犹歉，下之法亦不得过执，而遂谓数下脉不出，厥不回者之必至于死，为可悯也。特制：

通脉回厥煎 凡温病体厥脉厥，数下之而厥不回脉不出者，是方主之。熟地一两，当归一两，滋真阳以润燥；洋参五钱，固天清以下降；大黄酒浸蒸，三钱，芒硝三钱，扫热毒以下出；僵蚕三钱，酒炒，蝉蜕十二个，解温气以潜消；火麻仁三钱，炒，滑石三钱，肉苁蓉米泔洗去盐，三钱，润肠胃以散结；姜黄一钱，寸冬三钱，去心，开胸结以润气；白蜜一杯，饴糖一钟，引。水五升，先煎当归、熟地、洋参极浓，后入诸药煎三四沸，倾调蜜糖匀冷服，小便赤加茯苓、泽泻以利之，痰甚加枳实以祛之，临证加减随宜。

第五问 温病误汗,有坏证叠出,不知犹有治否

辨 汗为人身津液所融化而出,即为人身阴阳所酝酿而成。故伤寒初起宜汗,以邪自外来,得内之气血流通,自汗而解。温病初起忌汗,以热属内郁,苟外之毛窍再泄,则汗多必危温病初起决不可汗。如温证有误服表剂,大汗误出,烦渴不解,犹可以大复苏饮救之。有不固误表,自汗如流,盛热蒸腾,亦可以增损三黄石膏汤。里实加大黄主之,前篇自汗证中,已各列问辨,统观自晰。至若温病证中,更有发热而利,自汗不止,大汗热盛,狂言不休,甚则发润而喘,汗出如珠,种种凶危之证,人皆谓其必死。盖以发热而利,自汗不止,是阴阳之两脱也。汗出热甚,狂言不休,是真阳之离散也。发润而喘,知阴已不济于阳,汗出如珠,知阳已不交于阴,以此证之垂绝如斯,斯岂可谓犹有更生之术乎?然是集特立方救之,虽难言百不失一,而十犹可冀四五之苏也此中之救与不救,惟在人之遇与不遇。临证取用,慎勿疑为迂阔,而不思至理所在,终致委珠玉于粪土,等人命于草芥,为足悲也。

洗温固汗煎 凡温病误汗,证见汗出发热而利,汗出热甚而狂,甚至发润而喘,如珠不流,急以是方主之。 当归一两,下利者用土炒热,熟地一两,峻固真阴以孕阳;洋参五钱,代赭石火煨醋淬,三钱,力救真阳以媾阴;地骨皮三钱,退蒸热以熄汗;黄连三钱,辰砂煎汁炒,清薰蒸以镇心;黄芩三钱,降肺燥以灭焰;茯苓三钱,交通水火;牡蛎粉五钱,塞汗出之源以固阴。蒸热盛者,加大黄石膏夺热祛毒更协;白蜜一杯,童便一杯,引。水五升,煎诸药浓后,入蜜、尿调匀冷服。外以麦面、糯米面、五倍子细研,赤石脂细研,牡蛎、当归共研细,以粗麻布包裹,遍身扑运,取其收涩封窍,滋阴救阳,无处不周,用是方者,其如法施治可也。

第六问 温病下后,有额汗而喘,有头汗而小便不利,不知犹有治否

辨 人生死之机铢,贵知阴阳之离合,阴阳之断续,可走生死之久暂。盖阴主降,阳主升,升降不可反其常。阴主血,阳主气,气血各宜得其正。否则气血升降有乖,轻者顺者,治犹属易;重者逆者,治为独难,甚则治无可施也。如温病之中,有头汗出之证,最为不一,前篇已详论证治,然皆证之未至凶危者也。若夫温病有下后额上汗出而喘,有下后头汗出而小便自利。临证须知下后额汗而喘,是阴竭于下,阳飞于上也。下后头汗出而小便自利,是阴从便出,阳从头越也。人谓温病无不宜下,下后反得逆证如是,是皆死证不治也。兹特立方救之,临证取用,其知所命意,则庶几知阴阳消息之道矣。

济阴孕阳封汗煎 凡温病下后,证见额上汗出而喘,及头汗出而小便自利,甚或额汗出如贯珠等证,是方均宜。 熟地八钱,当归三钱,下后多先亏阴,急用此以滋之;赤石脂三钱,盐水炒,塞阴窍以封固;人参二钱,桂圆肉合人乳蒸取汁入药,阳将上越,用此以固之;代赭石三钱,火煨盐水淬;坠真阳以归根。蜜合饴糖煎,共一杯引。水三升,先煎诸药浓,后入蜜糖调匀温服。亦宜用扑运法,如前篇所论,更将扑运等药末,合津液作饼,少入附子煎水焙热,包脐包顶心、足心更妙。

第七问 温病发癍,有脉沉伏弦微,黑如果实靨何治

辨 温病发癍与疹,固已为温病之重证,然验之于脉,尚觉滑数洪长,察之于色,亦觉鲜红滋润,则癍疹虽属胃热之极,而治法皆可应手而愈也。前癍疹篇中,已详论证治,临证取用,自无不协。若夫温病既发癍疹,而犹诊得脉沉伏弦微,察其色黑如果实靨。夫脉沉伏弦微,是真阴真阳之气为湿热所暴绝也。色如果实靨黑是真气真血之精为湿热所消耗也。癍疹至于如斯,在温病人皆谓不治,以其脉既少神力,色复无精华,固可必其更生无蒂也。是集亦立方救之,岂故为其难以矜异,绝无所试而云然哉?良以温属毒热内伏,宜其证皆属热,而不宜此沉晦之脉色也。人谓如是,不知温毒团结于胃中,无所疏泄,则发为癍疹,既多阳极似阴之脉,尤多毒色隐见之征,慎勿谓是证遂为不治,使人束手待毙,为足悯也,窃为揭明治法:凡温病癍疹,

脉诊得沉伏弦微，色黑如果实靛者，玉枢丹加当归、青黛、僵蚕、蝉蜕，清热解毒主之，自见痲疹之毒渐消渐解矣。丹解见采附温方集中。

第八问 温病发黄，有身如烟薰，或环口黧黑何治

辨 温病至于发黄，则内伏之热毒已属亢害之极，稍一失治，生死反掌。然亦有轻重之证宜别，明晦之色可验，在轻者其色明润，能按前篇所著发黄证治，对证施治，自可应手而瘥。若夫温病之中，尤有发黄之重证，察其色，形体如烟薰或环口黧黑，证见直视摇头，柔汗自出柔汗即俗名冷汗也。夫身如烟薰，是火焰燔烁其真阴，色已外著之可见，环口黧黑，是火势燥焚于中州，色已上应之足验，目直视摇头，柔汗自出，是阳极不媾其真阴，证已显然之可据。温病之发黄证治如斯，人谓身如烟薰，直视摇头属心绝，环口黧黑，柔汗自出属脾绝，证皆不治。是集特制方补救，须知温病，无非一热毒团结于脾胃，故火盛则烟焰透出于肌肤，火烈则精气不润于身体，此身如烟薰，环口黧黑等证，亦温病所常见之证也。可竟谗为不治，而坐视以待毙欤？用制：

散烟退黑煎 凡温病发黄，形体如烟薰，直视摇头，环口黧黑，柔汗自出，是方主之。当归一两，活血源以益心；黄精一两，蜜蒸，润燥烈以济脾；大黄三钱，灭火之焰；黄连三钱，清火之燥；鸡子清一钟，降热滋阴；茵陈蒿三钱，退黄除薰；淮生地三钱，壮水制火；鸡子黄三个，和阿胶三钱，共和搅烱化，力救真阴，僵蚕三钱，蝉蜕三钱，解释温毒；白蜜、黄酒各一杯，引。水五升，煎诸药浓，后入鸡子黄、清蜜酒调匀冷服。

卷 四 十

第四十章 诸风证治全篇

诸风辨难

经曰：风者，百病之长也。故论风有八风即四正四隅风也八正以星辰言八正者，所以候八方之风，以时至者也，三虚乘年之衰，逢月之空，失时之和三实逢年之盛，遇月之满，得时之和，四时五经心肝脾肺肾之经也。热中寒中，偏枯五痺风闭为痺，厉风痛风，眼风脑风，漏风泄风，骨风肠风，暴风首风，内风劳风，血风气风，面风皮风。风善走而无处不至，风善入而无经不病，风善变而怪证百出，古今医论，载之极详。第其论列，证多混同，理多背谬，因为剖其源流，指其实据。夫阳之气，以天之疾风名之，人之气赖以充周四体，天之气资以长养万物，气得其平，人既无病，风从其正，岂复病人。而其所由致病者，盖八风八正，惟判盈虚，三虚三实，各视气化，四时五经，准以流行如春甲乙伤于风者，为肝风；夏丙丁伤于风者，为心风；季夏戊己伤于邪者，为脾风；秋庚辛中于邪者，为肺风；冬壬癸中于邪者，为肾风。于是其病不同，其名各异。人体盛而肌肉忽消，兼热而目黄，此风入阳明，不得泄而热中也。人体弱而饮食顿减，兼寒而泣出，此风隐皮肤，由外泄而寒中也。至神志言语如故，不时而半身流痛者，偏枯也。脏腑浸淫传变，随经而证异者五痺也，且厉风则鼻柱坏，而皮肤疡溃为征。痛风则横身痛，而肢体不红为验。眼风多痒，而头痛烂眩。脑风寒热而头疼项强。漏风泄风，一由酒后伤之，汗出而喘息善渴，一因腠理中之，汗多而如洗身痛。骨风肠风，一以蒸热求之，肉腐而腥臭不堪，一由便血得之，临厕而激不收，新浴而毛窍开，贼乘势入。头面多汗，房劳而精气泄，邪乘虚至，浮肿腰痛，是有骨风内风之名。强直而目上视，唾出如涕，恶风振寒，卒倒而途忽殒，西北多寒，威烈主杀，是有劳风暴风之异。矧气分受风，而白泡遍体，血分受风，面赤泡周身，其为证俱痒痛莫忍。面风游走，而疮癣盈脸，皮风浸蚀，而痒疥满肤，其为病皆痒痒难支。风之内入既烈，风之外蚀更酷乎。有济人之责者，其酌虚实，辨浅深，探标本，慎补泻，而各中所病，毋使死于风者，而终莫识其为风死之也则几矣。

第一问 风有赤泡白泡，判气分血分，证治何主

辨 风性柔而善入，风行疾而善变，故风之病人，其证最为不一，在风之伤人，随人六经以相传变，脉证各殊，治法各异，前伤风集中，已尽其证之杂出。临证其合观之，大抵以风无从不从阳为化，随人阳气之发越，浸淫于肢节筋骨之间，则所过之处，即发热作痛，感招在肌肤皮毛之地，则浸蚀之久，即痒痒肿痛，即如风有聚在气分，令人白泡遍体。风有凝在血分，令人赤泡周身，无分赤泡白泡之不侔，而起则皆觉痒痒难堪，无论气分血分之病，而根原皆属虚损所致。是证惟妇女际信水适至，风因乘入多见之；老人当精血亏败，风再袭入多有之。苟非熟识其为因虚风生，而概以风药治之，则未见有能济者也。特制：

消疮拈痛煎 凡风为病，证见赤泡或白泡遍身，痒痒难忍，变态叠出等证，是方加减主之。

当归三钱，熟地三钱，所谓治风先治血，血足风自灭也；僵蚕五钱，酒炒去丝，蝉蜕十五个，所谓风善走而善变，治之以善走善变也；柴首三钱，白芍三钱，所谓风从木生，扶木则风自定也；上肉桂三钱，干姜火炮焦，二钱，所谓血寒则凝，温之使行，不虑风之荡漾也；防风、红浮萍各三钱，共建驱风之